

Q. D. B. V.  
<sup>ex</sup>  
P O L I T I C I S,  
<sup>De</sup>  
IMPERIO HOMI-  
NIS IN HOMINEM,

Athenis Leucoreis,

PRÆSIDE,

*Viro Præ-Eximio atq; Clarissimo,*

DN. M. CHRISTIANO FASELTO,

Elect. Saxon. Alumno, & Collegii Philosophici Ad-  
juncto dignissimo,

*Fautore ac Præceptore suo perpetim  
honorando,*

publicè disputabit,

DANIEL RÖHLKESS/

Primislaviensis Marchicus,

*Horis antemeridianis,*

ad d. Decemb.

*In Auditorio Majori.*



\*\*\*\*\*

Typis MICHAELIS Wendt/

ANNO M D C L X V.

FOR THE

IMPERIAL

IN THE

DANIEL CHRISTIAN

of the

of the

DANIEL CHRISTIAN

of the

of the

of the

of the

of the

of the

of the

CUM PROSPERO NUMINE!

De

# IMPERIO HOMINIS IN HOMINEM.

## PRODROMUS.

**E**A omninò Imperii vis atque conditio est, ut sine eo nec domus ulla, nec civitas, nec gens, nec hominum universum genus stare, nec rerum natura omnis, nec ipse mundus possit. Age igitur, disseremus hinc nonnihil de *Eo*, & ita quidem disseremus, ut origine illud tùm *divinum*, tùm *naturale*, tùm *civile* esse ostendamus. Faxit Deus FELICITER!

## DISSERTATIO I.

De

### *Ortu Imperii hujus divino.*

§. 1. Dicunt aliàs Politici, quòd *regere & regi* sint *actiones divine, naturales & civiles*, cum ex Jure divino, naturali & gentium oriantur. Id verò an in re etiam veritate ita sese habeat, paullò sollicitiùs erit à nobis nunc inquirendum ac demonstrandum.

§. 2. Ne autem, more Antabadarum, oculis cæcis irruamus, aut extra oleas vagare videamur, prælibanda sunt nonnulla de proprio ac genuino dissertationis nostræ sensu.

§. 3. Sciendum igitur (1) quòd quidem de industria *terminum Imperii* hinc adhibeamus; (Latiùs enim nobis patere videtur, quàm dominium, jussio, potestas & regimen; non quòd tanquam genus de iis prædicetur, sed quòd hæc materialiter implicet.

*Alias verò, si strictè unamqvamlibet vocem accipere & ex usu suo proprio appreciari quis velit, nulli diffitemur, quòd inter sese non minimum discrepent. Vid. Nicolaus Perottus in Cornu Copiæ & Popma lib. 3. de diff. verb. ) Sed non accipimus eundem pro imperiò præcisè vel politico, vel œconomico, herili & paterno, sed abstractè eo ipso notamus quæcumq; ordinem in iubendo & parendo inter homines vigentem, sive ille politicus, sive Oeconomicus audiat. Adeoq; per imperiũ hominis non intelligimus imperium i. in se ipsum, quòd tò ἡ ἐν αὐτῷ πρæστ τῷ ὀφεικτῷ, adeò, ut ratio & voluntas affectibus imperet: neque in bruta animantia, quòd aliàs ipse homini à Deo in prima creatione concessum fuit; sed 3. imperium in hominem, quòd in statu vel politico vel œconomico exercet.*

*§. 4. Unde patet (2) quòd voce hominis hoc loco non intelligamus hominem absolute, & in se talem, quatenus sensu Physico animal rationale dicitur, sed respiciunt eum in certo statu, quatenus vel personam Magistratus aut Domini, vel subditi, quacunque ratione, sustinet, adeoq; ab una parte imperans, ab altera verò parens est.*

*§. 5. (3) Quòd ortum Imperii huius divinum dicamus, non (1) respectu cause materialis, quia personæ illæ, quæ imperant vel parent non sunt divinæ, sed humanæ; neq; (2) respectu cause formalis, quia iussum illa & paritio non Dei, sed hominum est, neq; (3) respectu cause finalis, quia eo ipso non præcisè respiciunt ad Dei gloriam, tanquam finem ultimum; sed (4) respectu Cause Efficientis principalis, quòd à Deo glorioso profectum & ita sapienter ab ipso ordinatum sit, ut hic imperet, iste vero pareat. Distingvendum autem hinc inter imperium ipsum seu ejus possessionem; & inter ipsius acquisitionem & usurpationem. Illud, quocunq; etiam more veniat, origine semper divinum est & à Deo constitutum; hæc verò non item, uti ex sequentibus patebit fusius.*

*§. 6. (4) Quòd ortum hunc Imperii hominis in hominem non restringamus tantum ad temporis hominis post lapsum; sed includimus etiam statum integritatis ante lapsum, in quo & certo modo potestas in Adamo & subiectio in Eva deprehensa fuit, quemadmodum & hoc in sequentibus evincere pro virili conabimur.*

*§. 7. Sensus igitur dissertationis huius hic potissimum est, quòd omne imperium, quodcumq; etiam illud sit, quòd hic vel ille in*



*alium habet, quocumq; etiam tempore spectetur, ordinatio divina sit, Deumq; autorem habeat.*

§. 8. Id verò ne gratis omnimodè dixisse videamur, proferenda quoque sunt rationes, quibus sententiæ hujus tunc confirmari & inniti queat veritas. Et cum *Imperium* omne sit vel *politicum*, vel *æconomicum*, in societate scil. *conjugali*, *herili* & *pater-na*, de unoquoque etiam hîc in specie nobis erit agendum.

§. 9. *POLITICUM* primò quod spectat, nemo sanè, nisi infensissimus hostis ejus, negare unquam præsumet, quod à Deo (licet quidem post lapsum) institutù sit. Testatur n. hoc Scripturà (1) *expressis testimoniis* Dan. 2. v. 21. Proverb. 8. Rom. 13, (2) *bono-rificentiis* *Magistratus elogii*, quod Dei, Angeli & vindices vocentur (3) *Mandatis*, quibus Deus severissimè præcepit subditis, ut Magistratus suos honorent. Rom. 13. v. 1. (4) *Comminationibus*, quibus pœnam gravissimam inobedientibus & Magistratui resistentibus, denunciat Deus, Exod. 12. v. 28. Rom. 13. v. 2. de quibus alias ex professo agunt Theologi, & egit etiam Christian. Matt. in Coll. Polit. p. 86. & seq. & Vellstenius in qvæst. Doct. p. 271. & seqq.

§. 10. Et ne quis existimet, quasi id asseramus de *Imperio* tantùm *reliq;*, adjicimus quoq; imperium *corruptum*, quod æq; etiam, ac illud, à Deo esse statuimus. Si enim omnis potestas, juxta Apostolum, à Deo est, utiq; & illa, quæ corrupta est; licet quidem ratione exercitii Diabolum autorem habeat. Quare aliud est potestas, & aliud potestatis abusus. Ipsa potestas est à Deo, & initium à Dei ordinatione cœpit; sed potestatis abusus est à Diabolo & à persona Diaboli suggestionibus obtemperante. Adeoq; distinguenda est potestas à vitio potestatis atque personæ, materiale à formali, abstractum à concreto.

§. 11. Cadit igitur hinc illorum sententia, quæ statuit, quòd *Imperium Politicum sit nudum inventum humanum & à Nimrodo primitus per violentiam introductum*. Concedimus quidem libenter, quòd sit ordinatio humana, sed negamus, quòd *ἀπολογικῶς* seu casualiter ab hominibus nudè excogitatum & inventum sit. *Ordinatio autem humana* dicitur Imperium Politicum (1) *subjectivè*, quòd ab hominibus geratur. (2) *Objectivè*, quòd circa homines versetur. (3) *effectivè* quòd ad hominis bonum & humanæ societatis conservationem à Deo constitutum sit. Deinde, quod concernit *imperium Nimrodi*, negamus *ἀποτόμως*, quòd cum illo ipso

omne imperium simul cœperit. Constat enim ex historia creationis, qvòd jam longè ante ipsum, & qvidem statim post diluvium, Magistratum Politicum Deus instituerit, Nox & Filiis illius dicens Gen.9.v.6. *Qui sanguinem hominis fuderis, ejus sanguis per hominem effundetur.* Ubi per hominem Deus ordinarium Magistratum Politicum, potestate gladii divinitus armatum, intelligit. vid. cum primis B. Dn. D. Polycarpus Lyserus in Noacho p.278.& seq. Ergò *imperium Nimrodi non potest dici primum absolute tale, sed tantum comparatè, ratione sci: potentia;* qvòd ante illud nullum potentius aliud in his terris viguerit; qvemadmodum & id verba seq.c.v.10.expressè indicant, quando dicitur, *qvod ipse cœperit esse potens in terra, & qvòd principium regni ejus fuerit Babel.* Sed qvicqvìd tandem hujus sit, non poterit tamen ex illius imperii violento ortu firmiter probari, qvòd à Deo nequaquam institutum fuerit. Modus qvidem acqvirendi humanus fuit, sed non imperium ipsum ab ipso fuit constitutum.

§.12. Pergimus abhinc ad Imperium OECONOMICUM, de quo etiam nobis incumbit probandum, qvòd origine primò divinum sit. Et cùm superius dictum sit, qvòd illud *vel in societate conjugali*, ubi Mâritus imperat uxori, *vel in herili*, ubi Dominus servo, *vel in paterna*, ubi Parens dominatur liberis, obtineat, dispiciendum qvoq; hîc de eo sigillatim, ratione cujuslibet societatis, erit.

§. 13. Fiat igitur initium à *Potestate γαμικῇ*, mariti scil.in uxorem. Hæc omnino verè divina est. Deus enim non tantum post lapsum, sed etiam jam ante illum, regimen aliqvod marito in uxorem concessit: Post lapsum, quando sonora voce ad Evam dixit: *Et ipse dominabitur tibi:* Gen.3.v.27. adeoq; subjectionem ipsi demandavit & injunxit. Ante lapsum, dum caput ipsius Evæ Adamum constituit. Ita enim loquitur Apostolus 1. Cor.11.v.9. 10. *Neg, enim conditus est vir propter mulierem, sed mulier propter virum. Propter hoc debet mulier potestatem in capite habere.* Inde colligunt Theologi, qvòd etiam homo ante lapsum aliqvod dominium in mulierem suam habuerit. Distingvunt tamen inter imperium coactum, & spontaneam submissionem: inter regimen conjunctum cum libidine & importunitate dominandi, & inter obedientiam voluntariam suavem & concordem. Hinc dicunt, qvòd Eva sponte sese voluntati Adami subjecerit, & Adamus

damus absq; ulla importunitate ipsi Evz imperarit. vid. B. Gerh. in loco de Magistr. Polit. §. 26. & in Comment. in Gen. c. 3. p. m. 116. Et præterea certum est, quòd Adam & Eva, etiam in statu innocentiz, ut Conjuges cohabitarint, atq; adeo in societate conjugali vixerint. Ubicunq; autem societas est, ibi etiam aliquod regimen est.

§. 14. Quòd attinet verò *Imperium δαμονικὸν seu herile, & πατρικὸν seu paternum*, de illis etiam in confesso est, quòd non aliunde, quàm ab ipso Deo suam originem habeant. Nisi enim Deus hæc imperia constituisset, vera etiam imperia non dicenda essent, quia ideo imperium aliquod dicitur verum imperium, quòd à Deo constitutum sit. Jam verò potestas heri in servum, parentum in liberos & obedientia servi & liberorum in scripturis à Deo sæpissimè præcipitur, uti Theologi id alias adducunt. E. negandum non est, quòd & hæc imperia à Deo instituta sint. Ex eo autem non consequitur statim, quòd, quia potestas aliqua Heri in servos, & Parentibus in liberos divinitus concessa est, etiam jus vitæ & necis in ipsos simul communicatum sit. Hoc enim non ad imperium privatum & domesticum, quale Heri & parentum est, pertinet, sed à publico & Politico, jus gladii gerente, exerceri debet. Et licet vel maximè nonnulli in historiis veterum hoc ipsum jus executi legantur, id tamen non intelligendum est de heris aut parentibus, quàm talibus, & quatenus personæ privatæ fuerunt, sed quatenus Magistratum politicum gesserunt: Aut, si fortè eo respectu, quatenus Heri aut parentes fuerunt, delinquentes suos punierunt, non ex legitimo ipsis còpetente jure, sed per viam facti fecerunt, potestatem suam justo latius extendentes. Sed, quoniam de hac materia alibi fusius disputatur, nolumus & illi diutius hinc inhærere, quin potius convertimus nos ad ortum Imperii hominis in hominem naturalem. Estoigitur.

## DISSERTATIO II.

De

### *Ortu Imperii hujus naturali.*

§. 1. Ut verò & hic inoffenso, quod ajunt, pede procedere queamus, ceteraq; sua sponte fluant feliciter, explicandum omnino in antecessum erit, quot modis alias ratiō naturale seu a natura

tura esse sumatur, & quomodo hic accipiendum legitime sit.

§. 2. Ambiguus certe terminus *naturalis* & hic, uti non minus alias alibi, est. Sed notandum, quod in nostro hoc negotio non accipiatur (1) *quatenus opponitur rationi supernaturali*. Non enim excludimus hic, quemadmodum jam in precedenti dissertatione monstratum, ortum divinum, sed asserimus, quod & imperium hominis in hominem causam supernaturalem, Deum nempe, ut primarium autorem, habeat; *neg, quatenus* (2) *opponitur artificiali*: Non enim negamus, quod & arte & industria humana hoc imperium acquiri possit, uti id in sequenti dissertatione probabitur; *neg, (3) quatenus opponitur voluntario*, siquidem & voluntarie cum judicio rationis & electionis quam plures populi potestati alicujus sese subjecerunt; *neg, (4) quatenus opponitur morali & civili*, cum & illud bonum aliquod morale & civile in sequentibus asserturi simus: *neg, (5) quatenus opponitur violento*. Constat enim, quod per violentiam nonnunquam hoc vel illud imperium constitutum sit. *Neg, (6) quatenus opponitur acquisito*; Non enim statuimus, quasi ita naturale sit, ut aliunde per varias artes acquiri non possit: *sed quatenus opponitur* (1) *fortuito*. Removemus enim hic Epicuri opinionem, somniantis, homines temere & fortuito casu coaluisse, teste Cic. lib. 1. & 2. de Nat. Deor. (2) *adoptivo*. Absurdus enim esset, qui statueret, quod imperium hominis in hominem aliquod quasi adoptivum esset. Adeoque ut breviter dicamus, quod sentiamus, sumitur hic *ratio Naturale* esse (1) *constitutive*, cum a natura, tanquam principio constituyente, proveniat. (2) *consecutive*, quia ipsius naturæ effectus est (3) *subjective*, quia naturæ firmiter inhæret. (4) *perfective*, cum naturam quasi exornet atque perficiat, & (5) *transitive*, quia ab uno in alium transit, ut ordo aliquis in natura conservetur.

§. 3. His ita expositis, progredimur ad assertionis nostræ probationes. Argumentamur igitur primo hunc in modum: *Quodcumque ex genere necessariorum est, illud utique naturale est*, cum natura, docente Thoma p. 1. q. 5. art. 5. non deficiat in necessariis. *Atqui imperare atque parere ita sese habent*. E. Major sua luce radiat. Minor verò probatur, quia imperare & parere ordinem inter homines constituit, quo quasi in unum colliguntur, ne perpetua inter ipsos existat discordia & confusè omnia gerantur.

§. 4. Dein-



§. 4. Deinde colligimus hoc ex ipsa plurimorum hominum indole & qualitate. Constat enim, reperiri ejus generis homines quàm plurimos, quos, ut loquitur Seneca c. 5. de vita beata, in numerum pecorum & animalium redegit bebes natura & ignoratio sui. Illi enim cum imbecilli prorsus, immò nulla ferè ratione præditi, brutis, magis sint similes, quàm hominibus, haud possunt quicquam propter corporis usum præstare, adeoq; semper opus habent duce, gressus suos usq; quaq; adjuvante. E diverso alios natura magis animis & providâ instruxit solertiâ, ut ad quasvis res, etiam summè arduas, apti esse videantur, & natura ad imperandum quasi facti, quemadmodum illi ad serviendum. Quo sensu Jason dixit: *se obedire non posse, quod ad imperandum natus esset*, teste Arilt. lib. 3. pol. c. 3. & Themistocles declinavit à se suspicionem defectionis ad Persas, ex eò, quòd non esset *verisimile, ipsum servitutum, quoniam natus esset ad imperandum*. Vid. Plutarch. in Themist. Atq; huc respexit Plato lib. 3. de legg., quando, impetantium animis, ait, *admixtum fuisse in prima generatione aurum, unde honoratissimi facti fuerint; illis autem, quos ad auxiliandum fieri voluit, argentum indidit ferrum deniq; & as agricolis*.

*Fertur quippe Prometheus addere Principi  
Limo coactus, particulam undiq;  
Deseclam.*

Ut ludit Venuſinus Lib. 1. Od. 16. & pro conditione suam cuiq; attribuisse indolem. Quod ipsum ex Platone Aristoteles lib. 2. Pol. repetit, & plenius expresſit Homerus Odyſſ. 17.

*Ἡμῖσι γὰρ τ' ὀρεῖτης ἀπαίνοται Δεῦρο παρ' ἑὸς  
Ἄνερ; & εὖ ἂν μιν κτ' ὀρίλιον ἤμαρ' ἔλθῃ.*

Platoq; interpretatus est lib. 6. de Rep. hunc in modum: *Quos natalis dies jam servos edit, mentis vix habent dimidium.* Æquitati proinde & naturæ ipsi, prudentissimæ rerum matri, consentaneum esse videtur, ut, cum ipsi, è re quid sua sit, non satis videant, alios audiant, ad eorumq; nutum sese componant: quod præclare docuit Philosophus in Politico opere, tum alibi, tum Lib. 1. c. 3. 4. lib. 3. Pol. c. ult. lib. 7. Pol. c. 3. & 14. Et huc tendunt quoque Ciceronis illa, in fragm. lib. 3. de Republica (quæ, Giphaniò in commentario ad Politica Aristotelis observante, existant a-

pud Augustinum lib. 4. contra Pelagianum) *Annoh cernimus optimo cuiq; dominatum ab ipsa natura & cum infirmorum utilitate datum? Cur igitur DEus homini, animus imperat corpori, ratio libidini, iracundiæq; & cæteris vitiis ejusdem animi partibus. Et illa lib. 3. de natura Deorum, dicentis: Naturam omnem necesse esse, quæ non solitaria sit, neq; simplex, sed cum alio conjuncta atq; connexa, habere aliquem in se principatum, ut in homine mentem, in belua quoddam simile mentis, unde oriantur rerum appetitus. In arborum autem & earum rerum, quæ gignuntur è terra, radicibus inesse principatus putatur.*

§. 5. Accedit tertio, quod hoc ipsum velut innatum sit hominibus, ut, quando hominem, egregiâ formâ, conspiciunt, dignum ipsum imperio judicent, ex corporis nempe formositate animi excellentiam colligentes. Cùm igitur unus homo præ altero nactus sit animam excellentiorem & mentem nobiliorē, ut hic secundum mentem magis, ille secundum corpus & appetitum magis vivat, naturale omninò est, ut is, quia affectibus magis obtemperat, obsequatur illi, qui mentis imperio utitur.

§. 6. Deniq; probamus & hoc ex ipso jure natura, tam communi, quàm proprio. Ex communi, quod homo commune habet cum bestiis. Natura enim imaginem aliquam docuit brutas animantes, quod majores & fortiores imperent quasi minoribus & timidioribus. Ex proprio; quod homo quia homo, sit virtutis causa animal sociabile: Ubiq; autem societas est, ibi & naturale aliquod imperium in alium est. Est ergo imperium hoc à natura tùm inchoatè, tùm consummatè: *Inchoatè*; quatenus in hominibus insita quædam Zopyra, & ut loquitur Scaliger, semina æternitatis sunt, ut societas humana continuari & conservari possit: *Consummatè*, quatenus hominibus non tantum innatus est appetitus, quo ad societatem politicam feruntur; sed etiam vis intellectus istam regit, ut hic sese subjiciat, alter verò subjectionem accipiat ac imparet.

§. 7. Sed excipiunt hic (1) quod, si Imperium hominis in hominē naturale dicatur, etiam exinde colligi possit, quod in statu innocentie naturale fuisset. Jam verò pœna peccati esset. E. naturale dici non posset. Verum enim verò Resp. concedendo, quoad

quoad prius, negando verò quoad posterius. Afferimus enim cum sapientioribus Theologis & Politicis, quòd genus humanum in statu integritatis usq; adeò ἀναρχον non futurum fuisset. Nam, multiplicato genere humano, diversę ac plures ortę essent familię, quę non potuerunt carere capite, alias defuisset ordo ad pulchritudinem & constitutionem universi omninò requisitus. Utenim singulas familias oportuisset habere quoddam caput, ita quoque plures familię non possent esse ἀκέφαλοι καὶ ἀτακτοι. *Sine ordine enim constare natura non potest*, inquit Scaliger exerc. 3. de subt; *nihil enim absq; ordine meditata est vel effecit*. Distingvendum tamen inter imperium blandum & onerosum. Prius omninò ibi obtinuisset, quippe ab ipsa natura intentum, posterius verò defecisset, cùm ceu pœna peccati introductum sit.

§. 8. Excipiunt (II) quòd hęc ratio etiam servitus naturalis statuenda sit, cùm alias ista pugnet non tantùm cum lege naturę, sed etiam cum libertate Christiana. Omnes enim homines ab initio liberi nati sunt. *Et Deus rationalem, ad imaginem suam factum, noluit nisi irrationalibus dominari, non hominem homini, sed hominem pecori, uti* habet Augustinus lib. 19. de C. D. c. 16. Sed Resp. (1) quòd servitus naturalis nihil nobis adversetur. Defendimus enim, quòd quàm plures inveniantur, qui adeò stupidi ingenii sint, ut nec sibi ipsis utilia prospicere, nec alios rectè gubernare possint. Undè merito aliorum imperio & regimini sese, natura quasi ductrice, ob impotentiam mentis, subicere debent. (2) quòd liberi ab initio, scilicet post lapsum, nati dicantur homines, *non præcisè respectu animi, cùm, quoad hunc, sæpissimè ob imbecillitatem naturalem servi aliorum facti sint*; sed respectu corporis, quòd primitus aliorum dominio quoad corpus subiecti non fuerint, sed quòd successione temporis tales tandem facti sint. (3) quòd dupliciter homo considerandus sit, vel in statu naturę integro & incorrupto ante lapsum, vel in statu imperfecto & corrupto, post lapsum. *Quoad primum* alter alteri non fuit subiectus ut servus; sed omnes erant liberi, quia omnes imaginem Dei ex æquo obtinere debuissent; & tale *jus nature* vocatur *primæum*. *Quoad secundum* verò, ubi distinctio- nes & gradus quidam majoris vel minoris bonitatis, itemq; ma-

foris vel minoris depravationes implantati sunt in naturam hu-  
 manam, utiq; unus homo alteri est subiectus. Et hoc *jus* vocatur  
*secundarium* live *ortum* vel etiam *jus ratiocinationis*; Et de hoc lo-  
 quitur Aristoteles, cum dicit: *per naturam, scil. in hac vita huma-  
 ne conditione, spectatam, quosdam esse divinos, quosdam servos.*  
 Quam distinctionem pulcherrimis verbis expressit Augustinus  
 supra cit. lib. 19. c. 15. de C.D. ubi inquit: *Conditio servitutis jure  
 intelligitur imposita peccatori: nomen istud culpa meruit, non natura.*  
 Et paulò post: *Prima servitutis causa peccatum est, ut homo homini  
 conditionis vinculo subderetur.* Et paulò inferius: *Nullus naturâ,  
 in qua prius Deus hominem condidit, servus est hominis aut peccati.*  
*Verum & panalis servitus ea lege ordinatur, quâ naturalem ordinem  
 conservari jubet, perturbari vetat, quia si contra eam legem non esset  
 factum, nihil esset panali servitute coercendum.* Ut ita & hinc  
 manifestum sit, quòd servitus, licet primo juri naturæ sit contra-  
 ria, non tamen simpliciter, ut injusta, sit improbanda, cum nem-  
 pe ea, respectu hujus corrupti status humani, utilis omnino sit  
 ac necessaria ad societatem conservandam: nihil enim impedit,  
 quò minus illud, quod simpliciter non est justum, secundum  
 quid tamen justum fiat.

§. 9. Adeoq; non apparet, quòd cum JCtis, quia aliquem na-  
 tura servum esse negant, usque adeò pugnemus. Si enim poten-  
 tia & inclinatio ab habitu & actu distingvatur, nulla erit inter  
 Philosophos & JCtos discrepantia. JCti enim loquuntur de a-  
 ctuali & habituali servitute, qua quis alieno domino subiectus  
 est, sive sit ad servitutem, sive ad Dominium sive non natus: Atq;  
 hoc violentum & contra naturam esse neque Philosophi negant.  
 Aristotelis autem & Philosophorum sententia, de natura  
 servis loquens, accipienda est in eum sensum, quo Plutarchus in  
 Pelopida ait: *Pelopidam natura Imperatorem fuisse, non quidem  
 quod talis natus fuerit; sed quod prudentiam regiam naturâ ha-  
 beret.*

§. 10. Excipiunt III., quòd multi fugiant societatem politi-  
 cam, & imperium aliorum ferre non possint. Sed Resp. (1) à par-  
 ticulari ad univrsale non valet Cons. Una hirundo non facit  
 Ver. Licet vel maximè sint ejusmodi *ἀπολιδες καὶ ἀτακτοι*, qui  
 à civili societate penitus abhorrent, & hujus vel illius imperium  
 detre-



detrectant, communem tamen naturæ cursum pertinacia sua non in totum evertunt. (2) Committitur fallacia accidentis, & à dicto secundum quid ad dictum simpliciter. Non enim oderunt Rempublicam, quatenus homines fuerunt, sed quatenus melancholia vel morbo alio aliquo animi corrupti fuerunt: Non oderunt Rempubl. quatenus est talis, sed quatenus hisce vel illis vitiis corrupta fuit, adeoq; non oderunt materiale & formale ipsius Reipubl. sed accidentia vitiosa, quo sensu multi quoque dicuntur odisse mundum. (3) Committitur etiam fallacia ignorationis Elenchi in hoc, quoniam obijcitur nobis, quod multi reperiantur, qui colla aliorum Imperio subdere nolint. Non enim negamus hoc, quod extent ejusmodi homines, quibus aliorum in se imperium à natura planè adversum est; quin potius asserimus, quod ipsis à natura imperium in alios ingeneratum quasi sit, uti superius exemplo Jasonis & Themistoclis jam probatum fuit. Qui verò, naturam ad parendum quasi nati resistunt, illi non minimum jus naturale in semetipsis destruere satagunt, & hæc usque non leviter etiam ab eo, cui meritis subesse deberent, puniuntur. Hinc consequitur nunc

## DISSERTATIO III.

De

### *Ortus Imperii hujus Civili.*

§. 1. Antequàm & hic ipsius rei invadamus arcem, significandum prius erit, quid nobis propriè sit *ortus Imperii hominis in hominem civilem*. Dicimus autem, quod iste nobis in præsentem nihil aliud sit, quàm ista ratio, secundum quam ab initio homines quasi ducti fuerunt aliorum imperiis sese subijcere. Hanc ergo ut exponamus, quantum fieri potest, paulò accuratius, ita procedere lubet.

§. 2. Primum producimus ipsum Ciceronem, qui in lib. 2. officio. in hæc verba desinit: *subijciunt se homines imperio alterius & potestati pluribus de causis; Ducuntur enim aut benevolentia aut beneficiorum magnitudine aut dignitatis præstantia; aut spe, sibi id utile futurum, aut metu ne vi parere cogantur, aut spe largitionis promissionibusq; capti, aut postremo (ut sæpe nostra in Republica videmus) mer-*

*cede conducti. Egregia sanè, ut Tullii omnia, quæq; ipsa experientiâ & annorum usu comprobantur.*

§. 3. Ut autem ipsa manifestior evadat, age, ipsas rerum publicarum initio statim excutiemus Cunas. Sanè Philosophus noster, cum de primis rerum publicarum elementis agit lib. 1. Pol. c. 2. indigitare non solum sed & demonstrare videtur, *naturam quasi ipsam regio gubernandi modo delectatam fuisse, quo cum ipso lacte quasi usa est. Postquam enim dixisset, quod pagus sit propagatio domus eorum, quos collataneos vocamus, & natorum natos & qui nascuntur ab illis, tandem addit: hinc factum est, ut olim civitates, & nostro etiam tempore gentes, regio utantur imperio. Ex his enim, qui regno gubernant, originem traxerunt. Omnis autem domus regitur à Seniore, quemadmodum & Colonia propter affinitatem. Et hoc est, quod Homerus ait: Jura dat quisq; natibus & uxoribus. Non aliena sunt ab hisce, quæ Jornandes initio libri de regnorum ac temporum successione narrat, quando hunc in modum loquitur: Ab origine orbis primaq; creatione tam hominum quam elementorum, usq; orbis terræ diluvium, secundum veridici Legislatoris verba Moysi, duo millia ducentos quadraginta & duos annos colligimus. In quibus annis aâbuc rudi ac simplici hominum natura non reges, sed familiarum capita in suo genere erant. Hæc & hujus generis alia ostendunt, quomodo ab initio homines quasi assivefacti sint, ut alieno sub imperio essent, quippe qui à Parentibus quasi, cum ipso lacte hoc ipsum hauserint, inq; alios suos nepotes transmiserint. Certum enim est, quod Patres familias ad modum regium, si non, ut reges, sese gesserint, jusq; vita ac necis exercuerint, bello finitimorum injeras propulsarint, nemini nisi soli Deo subiecti. Et hæc deinde ratio quasi per consuetudinem ad alios quoq; qui variis è locis cohabitandi gratia convenissent, devoluta est, ut & ipsi eadem uterentur, quam à suis quisq; parentibus acceperat. Atq; ita quidem sese habuerint initia Rerum publicarum.*

§. 4. Postea autem, cum hominum malitia mirum in modum pullulare cœpisset, cœpere sibi quisq; consulere: Hinc non paucos sola benevolentia induxit, ut aliorum fidei sese submitterent, quorum forte de virtutibus bonam aliquam spem animo conceperant. Certè Justinus, Romanus scriptor longè castissimus,

*prin-*

*principio, ait, rerum gentium nationumq; imperium penes reges erat, quos ad fastigium hujus majestatis non ambitio popularis, sed spectata inter bonos moderatio provehebat.*

§. 5. Alios beneficiorum magnitudo impulit, ut, cum grati esse vellent, ipsos sese in eorum, qui bene de se meriti essent, manibus traderent: Alii *eximia alicujus utilitatis spe* alios sibi constituere, quorum imperio subessent: Quidam & *ex metu*, ne vi demum parere cogerentur, sese subjecerunt. Nonnulli etiam, cum plebs sit bellua multorum caput, inq; hoc ferè consentiat, ut non consentiat, *exigente necessitate coacti* sunt summam potestatem ad unum devolvere, cum alias rebus non possent consulere, idq; modò ad certum aliquod tempus, modò verò in omnem ætatem. Alii deniq; *alias ob causas in alius* alicujus manus sua resignarunt: multos *fumes* coegit, multos *alia adversitates*: At verò eorum, qui, vel inclinata re, aliorum ditioni se subjicere, vel etiam victi procubere, inq; victorum verba jurare sunt coacti, numerus est longè maximus, adò, ut si enumerare velinus, charta sane nos deficeret. Exempli græcia qvi desiderat, ad eam ipsum Philosophum in libris prioribus Polit. Cicero in libb. de officiis. Livium, Lib. 7. Justinum lib. 38. Strabon. l. 12. Pomponium de Imperio Roma lib. 2. aliosq;.

§. 6. Ex his ergò satis superq; patet, quâ ratione Imperium hominis in hominem civiliter etiam exortum sit. Unde nobilis illa exsurgit demum controversia: *An in populi alicujus arbitrio situm sit, jura quæcunq; sua, maximè verò summa à se abdicare, inq; alios sive unum sive plures transcribere?* Solent enim cum Althusio nonnulli id simpliciter negare, & cen Gorgonis aliquod caput, hoc semper objectare, quod ejusmodi imperandi ratio naturæ contraria, ipsi populo planè adversa, & tantum non injusta sit; quippe quæ ipsum populo planè adversa, neque communem sibi curæ habeat utilitatem. Sed, quòd pace eorum dixerim, falsissima sunt: neque enim verum est, omne illud esse injustum, quòd contra naturam fieri dicitur. Enim verò si cum animo cogitemus nostrò, quid propriè juris naturalis, conditio sit, experiemur sanè, cum eodem ita esse comparatum, ut quæ plane à nobis fieri vel non fieri vult, non obscure significet; circa quædam autem ita se gerat, ut deliberare potius & consilium quæsi-

dare,

dare, quàm certi aliquid definire videatur. Jam verò, quæ fieri vel non fieri à nobis planè debent, sine manifesto peccato omit- ti haud possunt; quicquid igitur illis contrariatur, injustum est. Quæ verò naturæ quasi consilio quodam nituntur, ejus, sunt con- ditionis, ut si humana pateretur infirmitas, omninò observari velint; veniam tamen impertiantur, si quis errore aliquo abdu- ctus minus cautè sese hac in parte gesserit. Quicquid igitur hæc contrà venit, laudem quidem nullam meretur, omni tamen ex parte haud quaquam etiam iniquum est, nec simpliciter dici po- test contra naturæ leges factum. Quòd si igitur contingat, ut vel lege quadam, vel conventione aliqua, vel alia quacumq; tan- dem ratione libertas hominum amittatur, iniquum minimè cenferi debet & injustum, cum in ea nullo modo impingatur, quæ naturæ jus à nobis plane fieri vel non fieri voluit.

§. 7. Ne verò & nos simpliciter id asserere videamur, uni- cam vel alteram rationem, quâ probemus, posse omninò benè fieri, ut homines omnem à se abdicent potestatem, aliqve ean- dem rectè usurpent in administrandis eorum negotiis, à quibus ad sese devoluta est, etiamsi non communem ex æquo quærat u- tilitatem, adjicere placet. Prima desumpta est à *libera hominis voluntate*, juxta quam quisq; sese in servitutem potest addicere alteri. Id enim non solum Romanis, aliisq; populis in more fuit positum; sed & ab ipso Deo ter optimo maximo. Exod. 21. v. 5. 6. permittitur: Verba ferè hæc sunt: *Quod si servo Dominus uxorem dederit finito sexennio, manumittetur, & c. quod si verò captus amo- re uxoris & liberorum suorum noluerit à Domino discedere, offeret eum Dominus Diis, id est, Judicibus, eiq; ad postem applicato subula au- rem perforabit, ut ei perpetuo serviat.* Auris enim perforata servi- tutis signum erat. Magis etiam hoc elucet ex Lev. c. 25. v. 46. *Ubi extraneos & peregrinos Judæis Dominus perpetuò possidendos dedit, quos, cum liberet, venderent, aut etiam hæredibus suis relinquerent.* Quòd si igitur unicuiq; & singulis permissum est id, quòd ex di- vino constat testimonio, ut omnia sua jura, quæ à natura sibi in- dulta sunt, à se in alium transferri possint, adeò quidem, ut per- petuo sub alio sint, ejusq; posteris ac posterorum posteris; se- quitur omninò, à toto aliquo ac universo populo idem quoque non incommode fieri posse; nimirum, ut se suaq; omnia alterius pote-



potestatis faciat, atq; in posteros & posterorum posteros interrupto tenore transcribat, adeò, ut sui quoq; posterì eodem sub imperio sint & constanter mancant.

§. 8. Altera petita est *ab ipsius naturæ distamine*. Naturæ enim commune quasi consilium est, ut ex duobus, quòd minimum est, eligatur malum. Quòd si igitur contingat, ut tantas ad angustias aliquis redigatur, quacumq; tandem occasione, ut aut servendum ipsi sit, aut pereundum; Natura ipsa quasi suadet, immò exigere videtur, ut libertatis potius, quàm vitæ iacturam faciat; cum de iudicio omnium, qui sanæ mentis sunt, satius sit servire, quàm interire. Neq; verò prudentissima rerum Mater vel uni vel alteri hoc consilium, sed omnibus universim hominibus, & sic populis etiam integris, dedisse existimanda est, si forte adversâ fortunâ premantur, utpote quæ omnibus ex æquo bene cupit. Atq; hinc est, quòd *quidam*, teste Philosoph. lib. 3. Pol. c. 6. *ipsius vitæ gratiâ congregentur*. Forsan enim inest sibi aliqua particula honesti, & continet civilem societatem etiam solum vivere, nisi molestias in ea intolerabiles accumulentur. Pater autem, quòd tolerant homines multa asperam desiderio vitæ, ὡς ἐνδοξος πινὸς ἑνὸς εὐτυχίας ἐν αἰσῶνι καὶ γλυκυτήτι. Φησὶ καὶ, h. e. utpote cum insit ei quædam felicitas & naturalis Jucunditas; Hujusq; rei evidens argumentum capere licet ex ipsâ morte, quòd illa sit, ut Philoſ. loquitur. lib. 3. Eth. ad Nicom. c. 9. Φοβερώτατον, h. e. terribilum omnium longe quid terribilissimum, quippe, quæ naturam ipsam dissolvat, vitæ commoda omnia, & ipsam hanc lucem nobis eripiat; ut Tullius ait. Neq; enim apud Euripidem Electra in hæc verba frustra erupisse censenda est.

--- εἴ τι οἶσιν πὶ μὴ γένοιτο κακὰ  
Πᾶσι γὰρ εἰκτεροῖν Φιλὴ ψυχὴ βροτῶν.

Ut proinde optimè sibi consuluerint, & ex naturæ quasi præscripto se gesserint, qui, cum optio sibi daretur, libertate potius, cunctisq; eam concomitantibus juribus & commodis, quàm vitâ, dulcissimo bono, exui voluerunt.

§. 9. Tertia deniq; deprompta est, *ab ipsorum summa potestatis juriū qualitate*. Illa enim ita comparata sunt, ut ab uno in aliud transire subiectum, & proinde alienari possint. Sunt enim humana; jam verò in confesso est, omnia jura humana bonum aliquod humanum esse, ac proinde in commercium venire;

quod si in commercio sunt, omnino etiam sub dominio sunt, ac proinde etiam in alios transferri possunt. Sed hæc & alia ulterius & penitius hic discutienda. Cuius relinquimus.

§. 10. Cum igitur ex hisce jam dictis constet, quod liber aliquis populus iura sua transfundere possit in alium, qui imparet ipsis, *vari* etiam posset; *an non tantum hæc, sed etiam alia ratione Imperans sit propter subditum, an verò subditus propter imperantem?* Nobis quid videatur, breviter hic indicaturi sumus: Si imperans consideretur ratione eminentiæ & dignitatis, tum subditus est propter ipsum; Sin verò non eminentia spectetur, sed necessitas communis conditionis humanæ, utique Imperans est propter subditum, utpote *cujus felicitatem & bonum tenetur procurare & cuius saluti se suamque vitam debet consecrare*, ut præclarissimè Cicero monet lib. 1. Offic. omnino, inquires, *qui rei præsumt publicæ, duo Platonis præcepta teneant: Unum, ut utilitatem civium studeant, ut, quicquid agant, ad eam referant, oblii commodorum suorum. Alterum, ut totum corpus Reipubl. curent, ne, cum partem aliquam tuerentur, reliquas deserant. Ut enim tutela, sic procuratio Reipublicæ ad utilitatem eorum, qui commissi sunt, non ad eorum, quibus commissa est, gerenda est.* Alias Imperans & Parens relata, & quidem inæqualia sunt, quæ disqviparantiæ vocant Scholastici, in quibus relatum dignius & superius est Correlato; ac proinde re regere, quod Imperantis est, prius est, quam re regi, quod parentis. Adeoq; parens ultrò sese submittit imperanti, h. e. facit se ipsum, ut ita dicam, regibilem: Imperans verò actu ipsum regit. Itaq; Imperans natura prior & posterior est parente. Prior est, quatenus regit, posterior verò, quatenus à populo constitutus est. Populus enim omnem suam potestatem contulit in ipsum. Etenim suffragio creatos esse primos reges, qui tyrannidem non exercuerunt, in propatulo est. Si verò formaliter & in relatione spectantur, sunt simul. Quod aliàs alibi fufus docetur. Nos in his in præsens acquiescimus, dicentes

SOLI DEO GLORIAM;

*Ad Humanissimum Dn. Respondentem, amicum meum.*

**E**cce! novum titulum noster KOHLREIFFIUS adfert,  
Qvo res antiquas exprimit atq; docet.  
Res ego laudabo veteres veteresq; triumphos,  
Qvos habuit docti tota caterva chori.  
Junge novis rebus veteres, & perge dietim,  
Ut novus atq; vetus Doctor adesce queas.

*Michael Wendelerus, D. & P. P.*

**D**ilm Cathedram nostram conscendis, & ore disertio  
Ingenii ostendis dona beata Tui;  
Primitias Musa tantas gratantur, & inde  
Commendant Pbabo nomina grata suo.  
Perge tuas posthac nobis ostendere doctes,  
Pramia sic capies digna labore Tuo.

*gratul.*

*Ægidius Strauch / S. S. Th. D. P. P.*

**I**mpetiis homines hominum sceptrisq; regendos  
Esse quidem, sicutâ sed sine mente, doces.  
Orsam perge pari studio detexere telam;  
Sic hominum fies Induperator homo.

*M. Michael Strauch / Mathem. P. P.*

**FELICITER!**

**I**MPERIUM, KOHLREIFFE, Tuum benè prosperet ille,  
Qui, Deus, in cunctos sustinet IMPERIUM!

*Spe plenus acclamabat boni commatis*

*Auditori haellenus, jam Respondenti suo,*

**P R Æ S E S**

**S**icardens Cathedram scandis virtutis amore,  
Continuis studiis ardua queq; subis.  
Perge bonis avibus, nam pro conamine tanto  
Larga brabea Tibi magnus JOVA dabit.

*Paucula hæcce Per-Eximio atq; Literatissimo  
Dn. Respondenti, Amico atq; Contubernali suo Dilectissimo scribebat*

*Johannes Sorgiu, Misenâ Misnicus.*

*Macte!*

*Macte!*

**N**on Pauso, Pylades; sed Pugnatore Gradivo,  
Perdus ac pernox signa petis sophia.  
Congregis artitis fies: per bellabrabea  
Buccinat in circo gemmea Fama suo.

*Erudito Dn. Respondenti Amico suo summati  
ac note Aniciana velut*

Schedium hocce deproperabat  
Johannes Zirenbergius, Soltqvellâ-Palæo-  
Marchicus.

---

**I**mperat in piestas volucres Jovis armiger ales;  
Ac Leo quadrupedum sceptrâ tremenda gerit.  
Cur quoq; non homines hominum regat alta potestas?  
Hoc etiam fusi, Candide Amice, probas.  
Auguror hinc, hominum fore Te, si cepta perennas,  
Induperatorem, sis licet ipse homo.

Sic Præstantissimo atq; Eruditissimo Dn. Re-  
spondenti, Fautori atq; Amico suo dile-  
cto acclamat

*Johannes Sigismundus Raue! Ilenbur. Misnicus.*

---

**Q**uis non hosce tuos extollat, Amice labores?  
Fallor? an accipias digna brabea brevi?

*Gratulabundus hæc paucula apposuit Præstantiss. ac Li-  
teratissimo Dno. Respondenti, Fautori ac Amico  
suo favissimo*

Gothofredus Reinecius, Salz. Saxo.  
Ph. ac L. L. Studiosus.

---

**P**ublicitus scandis sophicam, KOHLREIFFE, cathedram,  
Ut benè cedat opus, Gratulor ex animo.

*Hoc gratulabundus adjicere voluit  
Carolus Christianus Schmidius,  
Dresdâ Misnicus.*

